

Na osnovu člana 15. Zakona o mladima Federacije BiH (Službene novine FBiH, broj: 36/10) i člana 4, 5, 6 i 7. Pravilnika o vođenju spiska omladinskih udruženja na području Grada Tuzla, ("Službeni glasnik Grada Tuzla", broj 4/16), Stručna služba za poslove Gradonačelnika i koordinaciju rada gradskih službi Grada Tuzla objavljuje:

JAVNI POZIV

Omladinskim udruženjima za upis u spisak omladinskih udruženja Grada Tuzla

I

Pozivaju se omladinska udruženja koja imaju sjedište ili registriran ured na području Grada Tuzla da izvrše upis u spisak omladinskih udruženja Grada Tuzla.

II

„Omladinsko udruženje“, prema Zakonu, označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti većinom usmjerene na mlade, a koje se osniva, registrira, djeluje i prestaje postojati u skladu sa zakonom na osnovu kojeg je registrirano.

Međunarodna udruženja ne mogu dobiti status omladinskog udruženja ako nisu registrirana i u BiH.

III

Omladinska udruženja koja žele predlagati projekte za mlade ili biti član Vijeća mladih Grada Tuzla dužna su se upisati u spisak omladinskih udruženja Grada.

IV

Zahtjev za upis u spisak podnosi se Stručnoj službi za poslove Gradonačelnika i koordinaciju rada gradskih službi, nakon upisa udruženja u registar koji vodi nadležno ministarstvo pravde. Zahtjev za upis u spisak omladinskih udruženja potpisuje osoba ovlaštena za zastupanje i predstavljanje omladinskog udruženja.

Zahtjev se prema vrsti podataka koji se unose, sastoji od tri dijela i to:

- a) podaci o omladinskom udruženju
- b) podaci o licu ovlaštenom za zastupanje i predstavljanje
- c) podaci o upravnom odboru i skupštini

Podaci koji su upisani u zahtjev moraju biti istovjetni sa odredbama Statuta, odlukama i zaključcima organa upravljanja omladinskog udruženja na koje se odnose.

Uz zahtjev za upis u spisak omladinskog udruženja prilažu se:

- rješenje o registraciji
- osnivački akt
- statut

Prilozi se podnose u originalu ili ovjerenoj fotokopiji.

V

Obrazac 1. se popunjava na računaru i može se preuzeti na web stranici Grada Tuzla: www.grad.tuzla.ba.

Zahtjev i propisanu dokumentaciju dostaviti na pisarnicu Grada Tuzla (Centar za pružanje usluga građanima) ili poslati preporučenom poštom na adresu:

GRAD TUZLA
Stručna služba za poslove Gradonačelnika i koordinaciju rada gradskih službi
Ulica Zavnobih-a broj 11
75000 Tuzla
sa obaveznom naznakom:
JAVNI POZIV
omladinskim udruženjima za upis u spisak omladinskih udruženja Grada Tuzla-
„Ne otvarati“.

VI

Javni poziv je otvoren 30 dana od dana objavljivanja, a zaključno sa 13.6.2016.

Sve dodatne informacije o načinu i postupku učešća u Javnom pozivu, mogu se dobiti u Stručnoj službi za poslove Gradonačelnika i koordinaciju rada gradskih službi Grada Tuzla, direktno ili putem e-maila mladi@tuzla.ba